

Koblenzer Mundart:

Dä Optimist!

En Optimist es zo beneide,
weil ä sich net vill Sorje nicht.
Doht lewer peife, anstatt streite,
wo Schatte es, seht dä noch Licht.

Doht ihn e Meßgescheck mol treffe,
nicht dä do drom net vill „Bohei“,
fängt net gleich an, wie 'n Hond zu
kleffe,
ä säht: „Dä Storm gieht och vurbei.“

Guckt net zereck, laaft emmer weiter,
es allem Scheene offgeschloß.
Drom kimmt ä off der Lewensleiter
vill besser vurwärts, Sproß fier Sproß.

Kimmt einer zo ihm met Probleme,
rät ä: „Halt net su stur dran fest,
denk stännig an dat Angenehme -,
dä Wirrwarr sich von selwer löst.“

Wär doch die Welt voll Optimiste,
dann gä et sicher niemols Kreeg,
on keiner bräucht mie offzerüste,
mer ging dem Hader aus dem Weg.

En Optimist doht dat verschlinge,
wo mancher Mensch sulang dran kaut.
Ä denkt wie „Götz von Berlichinge“,
dä Wahlspruch es em sehr vertraut.

Katharina Schaaf

Katharina Schaaf
veröffentlicht, 20 Juni 1964